

Na osnovu člana 363. stav (3) tačke 5. Zakona o stvarnim pravima ("Službene novine Federacije BiH", broj 66/13 i 100/13) i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 9. redovnoj sjednici održanoj 23.11.2017. godine, donosi

ODLUKU

O IZMJENI ODLUKE O NEPOSREDNOJ POGODBI ZA PRODAJU NEIZGRAĐENOG GRAĐEVINSKOG ZEMLJIŠTA

Član 1.

U Odluci o neposrednoj pogodbi za prodaju neizgrađenog građevinskog zemljišta ("Službene novine Kantona Sarajevo", broj 21/15 i 33/15) u članu 8. tekst "II ratu u iznosu od 176.295,90 KM najkasnije do 30.6.2017. godine" mijenja se i glasi "II ratu u iznosu od 176.295,90 KM najkasnije do 30.4.2018. godine".

U ostalom dijelu odluka ostaje neizmijenjena.

Član 2.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-3660/17
28. novembra 2017. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 28.11.2017. godine.

Na osnovu člana 10. Zakona o komunalnim djelatnostima ("Službene novine Kantona Sarajevo", br. 14/16 i 19/17), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 29. i 46. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), člana 4. Odluke o vodovodu i kanalizaciji ("Službene novine Kantona Sarajevo", br. 19/11 i 40/13) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 9. sjednici održanoj dana 23.11.2017. godine, donosi

ODLUKU

O POVJERAVANJU OBAVLJANJA KOMUNALNIH DJELATNOSTI

Član 1.

Povjerava se obavljanje komunalnih djelatnosti za upravljanje i održavanje objekata i postrojenja za javno snabdijevanje vodom za piće i objekata i postrojenja za odvođenje otpadnih voda i odvođenje atmosferskih voda u obuhvatu vodovodne i kanalizacione mreže Bjelašnica faza II "Centar srebrna lisica" davaocu komunalnih usluga JKP "Trnovo" d.o.o. Trnovo, Dejčići b.b.

Komunalne usluge lokalnog značaja se odnose na dio vodovodne i kanalizacione mreže Babin Do, Bjelašnica, općina Trnovo.

Član 2.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-23-3661/17
28. novembra 2017. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 28.11.2017. godine.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 24. i 117. Statuta Općine Trnovo ("Službene novine Kantona Sarajevo", br. 12/08), Općinsko vijeće Trnovo, na 9. redovnoj sjednici održanoj dana 23.11.2017. godine, donijelo je

ODLUKU

O NAČINU I USLOVIMA DODJELE U ZAKUP TIPSKIH KIOSKA NA PODRUČJU OPĆINE TRNOVO

I. OSNOVNE ODREDBE

Član 1.

Ovom Odlukom utvrđuju se osnovni principi postupka dodjele u zakup tipskih kioska na području općine Trnovo, kao i organi i ovlaštenja za provođenje postupka dodjele u zakup tipskih kioska.

Tipskim kioskom u smislu ove Odluke smatraju se pokretni objekti u vlasništvu Općine Trnovo, koji se kao takvi mogu smatrati kioskom, smješteni na području općine Trnovo, a čija je namjena pružanje usluga u turizmu, prodaja rukotvorina ili poljoprivrednih proizvoda.

Član 2.

Tipski kiosci iz člana 1. se dodjeljuju u zakup za obavljanje djelatnosti pravnih i fizičkih lica koja imaju prijavljeno prebivalište i imaju registrovanu djelatnost (ili su upisani u RPG) na području općine Trnovo.

Član 3.

Davanje u zakup tipskih kioska na području općine Trnovo, sa namjenom kako je navedeno u članu 1., ima za cilj pospješenje razvoja turizma na području Općine Trnovo ali i unapređenje prodaje poljoprivrednih proizvoda i rukotvorina karakterističnih za ovo područje, kao i otvaranje novih radnih mjesta.

Član 4.

Općinski načelnik:

1. donosi Pravilnik o dodjeli u zakup tipskih kioska,
2. donosi Plan održavanja, plan gradnje, kupnje, prodaje, rekonstrukcije tipskih kioska u vlasništvu Općine,
3. utvrđuje popis i namjenu tipskih kioska,
4. raspisuje javni oglas za davanje u zakup,
5. sklapa Ugovore o zakupu tipskih kioska,
6. odlučuje o prestanku zakupa tipskih kioska.

II. POSTUPAK I NAČINI DODJELE U ZAKUP TIPSKIH KIOSKA

Član 5.

(Javni oglas za dodjelu tipskih kioska)

Postupak dodjele u zakup tipskih kioska provodi Komisija koju imenuje Općinski načelnik.

Komisija ima predsjednika, zamjenika predsjednika i tri člana.

Komisija iz stava (1) ovog člana:

1. priprema javni oglas za dodjelu u zakup tipskih kioska, te provodi postupak po oglasu,
2. utvrđuje prijedloge za zaključenje ugovora o zakupu općinskom načelniku,
3. odlučuje o zahtjevu zakupoprimca za promjenu poslovne djelatnosti utvrđene Ugovorom,
4. razmatra i druge zahtjeve zakupoprimca iz ugovornog odnosa.

Član 6.

Javni oglas za dodjelu u zakup tipskih kioska (u daljem tekstu: javni oglas) objavljuje Općinski načelnik.

Pravo učestvovanja na javnom oglasu imaju pravna i fizička lica koja posjeduju odobrenje za obavljanje određene djelatnosti ili su registrovani u Registru poljoprivrednih gazdinstava i koja su prijavljena/registrovana na području Općine.

Član 7.

Javni oglas iz prethodnog člana Odluke objavljuje se na web stranici i oglasnoj ploči Općine.

III. UGOVOR O ZAKUPU TIPSKIH KIOSKA

Član 8.

Nakon provedene procedure bodovanja ponuđača, a na osnovu prijedloga Komisije, Općinski načelnik zaključuje ugovor o zakupu tipskih kioska u roku od 15 dana od dana dostavljanja prijedloga Komisije.

Ugovor o zakupu tipskih kioska zaključuje se na određeno vrijeme u trajanju do 24 (dvadesetičetiri) mjeseca.

IV. VISINA I NAČIN PLAĆANJA ZAKUPNINE

Član 9.

Zakupac je dužan za korištenje tipskog kioska plaćati zakupninu unaprijed za 3 (tri) mjeseca.

Član 10.

Visina zakupnine određuje se na sljedeći način:

Na području koje obuhvata pojas definisan urbanističkim projektom Bjelašnica I i II skupa sa Dolinom UN, zakupnina iznosi 120 KM mjesečno po kiosku, u januaru, februaru i martu, a 80 KM mjesečno po kiosku u ostalim mjesecima.

Na ostatku područja općine Trnovo zakupnina iznosi 50 KM mjesečno po kiosku tokom cijele godine.

V. PRELAZNE I ZAVRŠNE ODREDBE

Član 11.

Sva pitanja koja nisu definisana ovom Odlukom pobliže će biti uređena Pravilnikom koji će donijeti općinski načelnik, a koji će biti usklađen sa ovom Odlukom uz primjenu pravila koja važe za obligacione odnose.

Član 12.

Ova odluka stupa na snagu narednog dana od dana objavljivanja na Oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-3662/17 Predsjedavajuća
28. novembra 2017. godine Općinskog vijeća Trnovo
Trnovo **Emina Mehmedagić**, s. r.

Odluka objavljena na oglasnoj ploči Općine Trnovo dana 28.11.2017. godine.

SLUŽBENE OBJAVE

UDRUŽENJA - FONDACIJE

Ministarstvo pravde i uprave Kantona Sarajevo, rješavajući po zahtjevu Udruženja za podršku djeci i roditeljima "Sveznalice", na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udruženje za podršku djeci i roditeljima "Sveznalice", sa sjedištem u Sarajevu, ulica Želimir Vidović Keli broj 2, upisano u registar koji se vodi kod Ministarstva pravde i uprave Kantona Sarajevo, rješenjem broj 03-03-05-13719/15 od 28.12.2015. godine, pod registarskim brojem 2091. knjiga V registra udruženja.

Broj 03-03-05-15374/17
13. novembra 2017. godine
Sarajevo

Ministar
Mario Nenadić, s. r.

(O-1025/17)

POSTAVLJENJE PRIVREMENOG ZASTUPNIKA

Općinski Sud u Sarajevu, po sudiji Elvis Zorlak, na osnovu ovlaštenja iz odredaba člana 298. Zakona o parničnom postupku, dana 22.11.2017. godine, izdao je

OGLAS

U pravnoj stvari koja se vodi pred Općinskim sudom u Sarajevu, pod poslovnim brojem 65 0 P 549399 16 P u pravnoj stvari tužitelja Prkić Zdenka iz Vogošće, protiv tužene Prkić Milimirke, postavio privremenog zastupnika u osobi Brčaninović Ajdinu, advokata iz Sarajeva.

U skladu odredbama člana 297. Zakona o parničnom postupku, privremeni zastupnik će štiti prava i obavljati dužnost tužene, sve dok se tužena ili njen punomoćnik ne pojave pred Sudom, odnosno sve dok organ starateljstva ne obavijesti Sud da je postavljen staratelj.

Ovaj oglas se objavljuje u "Službenim novinama Federacije BiH", "Službenim novinama Kantona Sarajevo" i na oglasnoj tabli Općinskog suda u Sarajevu.

Broj 65 0 P 549399 16 P
22. novembra 2017. godine
Sarajevo

(O-1020/17)